

陸天池西廂記

陸天德日記

陸天池西廂記

古本戲曲叢刊初集

古本戲曲叢刊編刊
委員會據大興傅氏
藏明周居易刊本影
印原書版匡高二十
二公分寬十五公分

序

唐元相微之蘊抱情癖假張生以自宣宋王性之辨之詳矣自侯鯖錄記時賢所著詞曲而優戲之源始開逮金董解元演為西廂記元初盛行顧當時專尚小令率一二闋即改別宮至都事王實甫易為套數本朝周憲王又加賞花時於首可謂盡善盡美真能道人意中事者固非後世學士所敢輕議而可改作為哉迨後李日華取實甫之語翻為南曲而措詞命意之妙幾失之矣予自退休之日時綴此編固不敢媲美前哲然較之生吞活剝者自謂差見一斑若夫正人君子責我以桑間濮上之音燕女溺志者予則不敢辭雖然予倦遊矣老且無用不藉是

以陶寫凡慮何由遣日况嘲風弄月又吾儕常事哉微之唐名
士也首惡之名彼且蒙之予亦薄乎云爾書此不覺一笑呼童
子歌吾曲以進酒清癡叟陸采天池自序

新刊合併陸天池西廂記卷上

赤水屠

隆長卿父校正

樂天周居易子平父校梓

第一折

南鄉子

宋上云

吳苑秀山川孕出詞人自不凡把筆戲書雲錦欄

堪觀光照空濛五色間○天意困儒冠且捲經綸臥碧山那個
榮華傳萬載徒然做隻詞兒儘意頑

臨江仙千古西廂推實甫煙花隊裏神仙是誰翻改汚瑤編詞
源全剽竊氣脉欠相連○試看吳機新織錦別生花樣天然從
今南北並流傳引他嬌女蕩惹得老夫顛

燭影搖紅年少張郎梵宮覽見嬌鶯面隔牆聯句送春心佛會
情繚亂強冠無端廝犯請雄師剪除厄難東君負約兄妹通稱
不偕繾綣○兩地癡迷琴邊月下牽慙慙紅娘遞簡暗成交結
遂鴛鴦願老母知情婚絆別多嬌春闈高選讒人巧計假信生
疑故人方便

賴婚姻夫人生出是非場

說風情紅娘引得燕鶯狂

聽幽琴崔氏兩寄有情詩

結佳期張生一舉掇花郎

第二折

破陣子

生上唱

虎帳乍談兵畧文場又促金羈霜到蕪葭添愁思

鴈和清猿動別悲徘徊不忍離

朝中措 簪纓世業愧無承半世困遺經雄賦未投明主新詩浪得浮名獨携焦尾聊停畫轂彈鋏故人庭何日鸞凰叶慶九霄得意和鳴張璠表字君瑞本貫西洛人氏先君官拜禮部尚書不幸父母雙亡飄零數載今遇故人杜確元帥鎮守蒲關乃幼年八拜之交小生西上長安赴試順便相訪相留數月不覺科場近也昨日分付琴童收拾行李完備了麼西江月淨上云三晉雲山北向二陵風雨東來溪秋景物最堪哀况是客鄉悲慨生云開把琴書整理便將車馬安排合笑辭故友上秦臺一躍龍門情快淨云告官人行李完備了生云請元帥拜辭淨云元帥來也

齊天樂

外上唱

昨來把劍辭明主佩虎符作鎮蒲圻玉帳霜清牙

旗風勁又動平生壯氣擬踏破賀蘭生縛名王方酬素志

生接暫

向黃花浩歌尊酒話心知

生揖

鷓鴣天生云留滯周南春復秋西風霜滿黑貂裘外云功名未上凌煙閣志氣平吞瀚海頭生云山淡淡水悠悠客御風物動離愁合相逢正是茱萸節且折寒花醉玉樓外云賢弟今日重陽佳節正好登高怎生說出離愁兩字莫非管待不周故有去意生云小生感哥哥厚意實欲久留爭奈來春真元皇帝大比之年須赴科場不得不去外云賢弟功名之事下官不敢曲留再住幾日如何生云行裝已備今晚就行外云左右將酒過來淨末云勸君更盡一杯酒西出陽關無故人酒在此生云小生借尊酒先奉哥哥一盃外云有勞賢弟

玉芙蓉

生唱

飄零湖海姿蹭蹬雲霓志見窮途伯樂怎不悲嘶正

待聯床細話平生事却又彈劍重歌行路詞

合

休怨憶管來春

重會看男兒笑驅駟馬下皇畿

外同酒

二外唱

十年筆硯情萬里追尋意向天涯邂逅握手談詩你獨携

玉劍輕拋去

我

醉折黃花不忍辭

合

休怨憶管來春重會看男

兒笑驅駟馬下皇畿

三末唱金戈閃日明鐵馬嘶風急看轅門景物事事淒其先關河

此去須珍重相書札頻傳莫放稀合休愁憶管來春重會看男

兒笑驅駟馬下皇畿

四淨唱疎林日漸低遠道人休滯論人生會合怎無離異官早携

長策干明主元帥好放離觴別故知合休愁憶管來春重會看男

兒笑驅駟馬下皇畿

朱奴兒生唱嘆雲霄未堪准擬怕風塵蹉跎遊子外萬里前程自

奮飛努力奪錦榮歸合蒲闌草青十里綵旗共接取揆花使

長安此去欲何依

回首川長共落暉

共說陳琳工奏記

不妨從此躡丹梯

第三折

東風第一枝

老旦唱

遠水雲埋遙山霧阻傷心客路艱難淨禪林

旅况蕭條西風車馬平安

貼唱

幽棲未穩還憶着金谷清閑合莫

提他舊日繁華教人轉覺心酸

老旦云金屋銀屏又隔年亂蛩衰草掩禪關貼云殞宮寂寂
空蛛繒合古木潏潏哭斷蟬淨云樂事已將哀事變去程應倍
過程難合家山回首雲千里倚遍朱欄淚不乾老旦云老身
相國崔珏之妻曾受越國夫人之封不幸相國棄世與姪兒
鄭恒扶柩歸葬柩路途艱阻柩停柩普救寺西廂下鄭恒你在
此住久先回看守家當待明年春半我和小姐自奉靈柩回
來淨答云姑娘我一千里路來接姑夫靈柩柩指望與柩鶯鶯做
親你為何先交俺回去老旦云這畜生你姑夫柩服制未滿柩佳
城未卜你且回去再待二年淨云皇天便上了手柩扭腳柩長
解短遞我也不回去柩務要老婆貼云老夫人鈞旨怎的不依

〔淨云〕姑娘若不捨得鶯鶯先把這丫頭送我一路上救急〔老旦云〕胡說快回去〔淨哭科〕我的鶯鶯心肝呵苦也苦幾時得
到博陵府三千里路怎
饒人一個老婆不到我

〔催拍〕〔老旦唱〕論婚姻早諧是便柰服制交人怎謾此行知伊不滿

此行知伊不滿客路風霜早晚加餐故里田園好為周全〔合〕辭
別去逕往鄉關松月冷谷風寒

〔二〕〔淨唱〕奉靈輦艱辛萬千想佳期心腸掛牽此行指望結歡此行

指望結歡〔姑娘〕平地無風生出波瀾〔鶯鶯〕羅帳閑眠〔我〕鞍馬孤

單〔合〕辭別去逕往鄉關松月冷谷風寒

〔三〕〔非〕論丈夫功名志堅為妻房何必痛酸〔哥〕你途中心放寬你

途中心放寬不怕無柴留得青山莫恠花遲有日春還〔合〕辭別

去逕往鄉關松月冷谷風寒

四
唱

我從來知他貌妍一路中熬得腿酸今朝又枉然今朝又

枉然

姑娘

不與我鶯鶯敗盡你的田園

紅娘

不相伴哥哥我賣你在

西番

合

辭別去逕往鄉關松月冷谷風寒

一撮棹

老旦

安心去休得恃頑你不依我與他門結姻連

淨拜

駭殺俺今番不敢胡言

合

但只願家緣好程途又平善同扶柩

歸塋得牛眠

身愧衰顏對玉難

碧霄無路却泥蟠

洞庭春色思公子

鄉國遙臨白日邊

第四折

逍遙樂

旦上

獨宿招提景月滿疎簾散清影羈人懷土夢難成

蛩吟恨砌露滴哀桐秋老愁城

霜風摧古松女蘿失其主老鳳去丹山孤雛不能舉物類有所憑况彼閨中女妾本五侯家少小長羅紵一旦失慈父漂泊河之許朽骨縈網絲玄旒掩秋雨哀哀餘寡親力弱值途阻回首昔年榮雲天渺何許獨把琵琶彈泠泠泛宮羽請為思歸吟幽咽不成語欲因晨風翔送我返鄉宇妾乃崔相之女小字鶯鶯因路途兵阻停柩在寺今日暮秋天氣好生傷也感人

十二時

貼上

月轉梧桐井想斗帳佳人未醒

呀姐

兀坐殘燈獨

倚繡屏此際不眠為誰思省

旦

我有滿懷悲哽

貼云姐姐為甚惹早晚不睡獨坐含顰想是為鄭官兒去了旦云紅娘說那裡話骨肉傷心干戈滿眼父親靈柩不得回葬寓居蕭寺何日是了因此嗟嘆不已貼云姐姐休要煩惱想不久便回

陸天池西廂記
黃鶯兒

旦唱

落葉滿寒城掩香閨細雨零等閒醞釀出悲秋病骨

肉如曉星身世似水萍路迷何處尋鄉井合淚偷傾回思富貴

迢遞隔宸京

二

貼唱

往事恨難平展眉尖莫愴情怕花嬌不耐西風勁北堂又

鬢星無事也病增怎禁伊把閑愁引動他思歸興合淚偷傾回

思富貴迢遞隔宸京

簇御林

旦唱

花纔放鴈又鳴寓禪房月屢更時垂不見兵戈靜怎

能勾遠扶香骨埋靈境合告神明甚時安妥重整頓舊家聲

二

貼唱

歌鍾地弦管亭想秋來碧蘚生舊家飛燕又向誰門屏只

留得黃花相伴人孤另合告神明甚時安妥重整頓舊家聲

念舊獨含情

寬心待世清

興衰有常理

不必問君平

第五折

大河蟹

淨上

不忍輕拋掌中人
潛自住蒲城
食到口頭難得吃

熬得我眼睛昏沒投奔

小子名為鄭恒極愛酒貪花第一
近來大人身亡打聽得
鶯鶯國色星夜趕到京中
指望乘虛了畢走得脚板
趾頭酸望得眼睛烏珠出
三百六十根骨節根根盡
疼三萬六千口氣口吃力
不論拖泥帶水那管風高
月黑枉自百般受苦到
頭老婆不得耐姑娘作
喬交我先回看宅昨晚
揔曾出門今朝含淚告
佛牢把山門守定不許
和尚做賊昨夜得其一
夢夢見鶯鶯如糖似蜜
臨了與我方綾帕覺來
香氣勃勃却原來是自
家的裊裊上面許多尿
迹好悶好悶老婆不能
勾了且尋個酒店買三
盃醉他娘小二哥那裡
留玉珮卿相解金貂誰
叫誰叫淨云買酒丑云有有蓮花白